

„ sit 42. , & alii : Ibidem post trecentos
 „ annos S. Helena elegans templum exadi-
 „ ficavit , teste Nicephoro lib. 8. cap. 30.
 „ Eandem visitavit S. Paula , & S. Ludovi-
 „ cus , ceterique peregrinantes . Vide
 „ Turfel. in histor. Lauret. cap. 1. & seq.
 „ Eadem post mille annos e Galilæa , &
 „ Nazareth ab Angelis translata est in Dal-
 „ matiam, inde in Italiam, pura Lauretum,
 „ ubi etiamnum consistit , & totius Orbis
 „ concursu pie visitur , adeo ut ipse Eras-
 „ mus, quem Novantes ut antesignanum
 „ sequuntur in orat. ad Virginem, ita Lau-
 „ retanam Virginem saluter : *Salve inclyta*
 „ *Regum progenies , Sacerdotum decus , Pa-*
 „ *triarcharum gloria, Cœlitum triumphus, in-*
 „ *ferorum formido, Christianorum spes , & so-*
 „ *ladium ; divinitati proxima es, ne illic nobis*
 „ *dessees . Certa est fiducia tua , pronus tuis*
 „ *advolvor pedibus , serva animulam hanc ,*
 „ *que se tibi quanta est nuncupat .* „
 Obijciunt I. In Scripturis Gabriel nominatur Angelus , non Archangelus ; dicitur enim Lucæ 1. *Missus est Angelus Gabriel :* ergo Gabriel non fuit Archangelus , sed Angelus . II. Gabriel fuit missus ad Daniaelem , & fuit missus ad Zachariam : ergo non conveniebat , ut mitteretur ad Virginem , ut ei nunciaret Verbi Incarnationem ; hæc enim majoris erat dignitatis . III. Perfectior est revelatio intellectualis imaginaria visione , ut docet S. Thomas 2.2. qu. 174. art. 2. & 3. , sed Virgini debebat fieri revelatio perfectior : ergo visio Angeli non fuit corporea , sed intellectualis . IV. Si B. Virgo vidisset Angelum sub specie corporea , non fuisset turbata , nec de salutatione dubitasset : ergo visio Gabrielis non fuit corporea . V. Gabriel , vel corpoream speciem assumpsit ante ingressum ad Virginem , vel post ingressum ; non ante ingressum , quia non poterat cum illa corporea mole cubiculum ingredi ; nec post ingressum , quia assumendo corpus in Virginis præsentia , illi fuisset alterius perturbationis , & timoris causa : ergo visio Angeli corporalis non fuit . VI. Ecclesiæ consuetudo est , ut in noctis principio Virginem salutemus : ergo tunc etiam fuit Virgo ab Angelo salutata . Et hoc eo magis , quia S. Bonaventura , ut legitur in ejus vita , hanc ob causam a Pontifice obtinuit , ut Virgo in illa hora a fidelibus salutaretur . VII. Græci non celebrant Annunciationis festum die 25. Martii : ergo quod fuerit die illa Angelica salutatio peracta , non est traditio uni-

versalis Ecclesiæ . VIII. Joseph , & Maria ambo erant ex Tribu Judæ : ergo domum habere debebant in Judæa , quæ Tribubus Judæ , & Benjamin contigerat , non vero in Galilæa , quæ spectabat ad Tribus Zabulon , & Nephtali . IX. S. Petrus Damianus memorat Epistolam allatam Virgini a Gabriele , verbis hisce insertam de Annunciat. *Traditur epistola Gabrieli , in qua Salutatio Virginis , Incarnatio Redemptoris , plenitudo gratiæ , gloria magnitudo , multitudo letitiæ continetur ;* Sed ad hanc epistolam afferendam non erat necessarium , quod Angelus corporea specie appareret : ergo corporea specie non apparuit . X. Domus Virginis , in qua peracta est Angelica salutatio , vel fuit domus Joachim , vel domus Joseph , vel fuit domus , in qua habitabant Virginei Sponsi ante fugam in Ægyptum , vel in qua habitaverunt post ab Ægypto reditum , vel fuit domus , in qua nata est B. Virgo , vel in quam ducta est post e Templo egressum ; hæc autem quomodocunque explicentur , nunquam ita concordari possunt , ut una fuerit ; vel si plures , qualis fuit ergo domus illa , quam Laureranam dicimus , & Laureti, in Piceno summa devotione visitamus , ac veneramus ? Respondemus ad I. Quum nos dixerimus Angelum esse nomen officii , & non naturæ , inde est , quod omnes illi cœlestes Spiritus Angeli vocari possunt , quia a Deo mittuntur . Si autem res , ob quas mittuntur , sunt majoris , vel maximi momenti , Archangeli etiam vocantur . Et quanvis Angeli ultimum ordinem tertie Hierarchiæ constituant , & Archangeli penultimum ; hoc tamen ideo est , quia spiritus illi ultimi , & penultimi ordinis tertie Hierarchiæ sapius , & de more a Deo mittuntur , ceteri vero non nisi quam ob gravissimas causas , ut videtur est in Michaeli , Gabriele , & Raphaeli , qui sunt ex primo ordine primæ Hierarchiæ , hoc est ex ordine Seraphinorum , & qui fuerunt a Deo missi ob causas peculiare graves , atque gravissimas . Unde Gabriel dicitur Angelus ratione communis nominis omnium spirituum , quia missus scilicet a Deo fuit ; quia vero a Deo missus fuit ob causas gravissimas , dicitur Archangelus , & ob alias rationes , quas adduximus , dicimus etiam cum ex ordine Seraphinorum fuisse .

Ad II. Respondet Suarez , quod „ quanvis „ Gabriel sit supremus omnium Archangelorum , & ideo ad supremum Dei opus „ nun-